

南通縣圖志卷十九

耆舊傳

吾通近五十年有隱君子三其在治城者曰范蔭堂先生如松在海門者曰張潤之先生彭年在呂四場者曰李草堂先生芸暉此三君子所居士夫服其德子弟率其教衆庶重其言推其耳目所及辱人賤行之心不敢生自先後十餘年間各以老壽下世則鄉閭淳風善俗幾隨以盡矣始清主中夏越八十年至雍正之初鄉故老先生大率抗隱不仕以名節自高自雍正及嘉道之時凡百數十年則有馬尙書宏琦胡尙書長齡沈侍郎岐王侍郎廣蔭孫侍郎銘恩以科甲取聲於京朝其流風餘韻先後相應襲而邑之高文宿學介節懿行若李漁衫懿曾范完初崇簡朱石甫璋馮宴海雲鵬李采蘅芳梅後先等輩亦各十餘人與諸公自爲升沈意氣無

南通縣圖志

卷十九

耆舊傳

一

所頡頏見慕屢世不絕畫若錢心齋球父子弈若周星垣兆奎醫若馬武周世雍研精星算爲渾天儀若蔣秋田煜並皆縱心孤往以成名至或以鉅人奪其所業饋遺權門勢不得復拒輒衣麻衣哭送之令人慨想其風裁負若處於千載以上蓋當清運之隆平而吾鄉故老流傳之風尙大都亦嚮科舉而不樂仕進得一第便偃伏終老讀書授徒自娛其書又率相與傳借鈔寫以讀而所爲詩文半寫付之子孫戚友不盡刊播爲標榜之名出處之矜重亦於時爲盛矣及至咸豐之季湘淮諸將帥方力戰以致中興時則有徐中丞宗幹方用治績擢閩撫未久而卒官王方伯藻主鄉練爲威重一方而鄧議謝事孫侍郎銘恩復以安徽學政殉節於江南則乾嘉諸老先生蓋無復有愆遺者矣其後同光四五十年間曾國藩導文學於前李鴻章倡時務於後天下稍稍馳騫應之而吾鄉一墮爲制藝揣



摩之術無能與於四方之觀士風稍隘而識分敦靜亦所獨殊嗣張謇范當世海門周家祿秦興朱銘盤如臯顧錫爵等各以古學爲文歲時聚試州中一時相效而起後復出入於江陰南菁書院各爲經史詞章之學及更甲午庚子之變科舉廢而新學興則士並駸駸勸歸於科學而張謇復以實業爲之倡民國既建耳目日新士族心志益廣毋慮與時爲推移矣然溯其舊所由來與其風氣所趨向不可沒也故次前志所未及述其可傳者併推論之示當世以古昔賢人君子

沈錫慶字鷺卿前志名臣傳沈岐謚文清子也道光二十五年進士改庶吉士授編修會洪楊亂棘奉旨隨同江北團練大臣晏端書歸辦團練時蘇常淪陷揚州仙女廟以上亦悉爲賊據錫慶駐軍如臯而父岐亦以左都御史奉旨主團練於是又兼顧通州屢獲閒謀賊不敢犯事平加侍讀

### 南通縣圖志

卷十九

耆舊傳

二

銜同治七年簡放山東兗州府知府到官直揭兗沂道某暴殘諸蹟朝旨譴之兗民感泣遂護道篆旋以道員總湖北牙釐請免米穀釐金嚴絕中飽收乃益增晉按察使銜光緒二年署安襄鄖荆道時關內外用兵轉餉者胥由老河口截奪時聞廼嚴緝刁匪壹切綏靖時沿江教匪甚熾密約期於襄樊起事飛檄所屬嚴密設防命猶子獨探匪窟誅除首要民以大安嗣權荆宜施道欲革洋關積弊會以足疾去官錫慶以名臣子治行文學顯著於時先後綰道篆率以清慎自矢卒後家乃無餘財沈鏗字笠湖進士兗州同知主紫琅書院最久學者仰之前志之成鏗與顧曾煥兄弟並主撰述子汝奎字惺齋進士河南知縣改常州府教授喜爲詩有蘭暉館自怡草

李芸暉字草堂靜海鄉人世居呂四場學者稱草堂先生子審之字磐碩



始同治癸酉芸暉舉拔貢生入都喟然於士大夫風氣曰吾不能堪也遂絕意進取及審之亦舉乙酉科拔貢庚寅成進士官戶部陝西司主事總理衙門章京更外交部主事充儲材館提調稍稍見知於王公貴人然卒不獲顯蓋耿介猶有父風焉芸暉創鶴城書院而已主之所成就子弟甚衆日爲詩歌自娛喜內典及養生家言性仁慈遇沿海風潮輒倡施豆麥以濟又率衆闢蒿枝港河二千四百餘丈芒屨草笠朝夕往來視工飢寒風雨不避港成而運河有歸壑嗣審之張謇等從事墾牧於呂海之交頗利賴之所著有草堂詩四卷養眞草詠史五排南游草各一卷審之以庚子之亂謁假歸連奉親喪遂不出及光緒三十一二年縣衆推審之與謇等更長教育啓盲闢塞致其懃懇呂四諸校及農商諸會母慮皆審之所手定也宣統元年卒

南通縣圖志

卷十九

耆舊傳

三

張寶琛字少軒歲貢生明孝子光弼八世孫也性彊識博通經史尤邃於禮學使者白鎔激賞之曰是深得鄭學也晚年從學益衆著有經畚集十卷壽八十二同時成廷寀字蕙階壽九十二寶琛高第弟子成榮祖字述古壽七十三皆世居興仁鎮爲老師宿儒矻矻不倦廷寀尤嚴介峭厲而榮祖無子有一女及笄天里人憫其惇獨乃搜輯其詩文梓之單盞字契蘭亦興仁鎮人頗與前志徵訪之役以善碁名

顧金標字京詹一字韻芳歲貢生嘗權海州高郵二州訓導始與兄金楠並以文學教授鄉里弟子著籍者各數十百人爲時名宿顧皆薄於進取至子及孫取科第乃若刈穫焉標年八十一而卒子曾焯曾煒曾煜並有文行曾燦最著字裘英進士刑部主事卒京師

顧曾煥字綺嵐金標從子也副貢生自高祖以下世爲邑間人前志皆有



傳曾煥爲人淵懿有守上承舊德長養諸弟文行並著於世咸同間嘗以高淳學止兼權六合教諭時六合新復於賊曾煥獨蒐集城陷死事者上之大府後遂爲六合表忠錄二卷及光緒通州志之成即曾煥與弟曾烜所共作也平生鬱不一施歿而曾烜銘其墓有曰余孤露十七年忘其爲無父之人者以有先生在也其語尤可悲曾烜字姓谷晚自號方宦進士宜君醴泉二縣知縣歷署耀州邵陽二縣事平反冤獄有卓異聲顧大吏特重其文往往敕賜官走馬就索亦輒立應之尤傾與秦中樊增祥齊名以足疾歸爲鄉里重望者又十年乃卒曾煥著有雙梧詩集四卷曾烜秦興縣志十卷方宦酬世售世文各四卷儷語二卷華原風土詞一卷駢葩二卷並刻行其他玉篇疏證四卷譜學八卷詩文錄尤多存其家曾沐字滌香少落拓不羈從父金楠命諸子授以文法遂先曾烜父子成進士官

南通縣圖志

卷十九

耆舊傳

四

工部主事金楠即曾煥父鄉人諡爲敏愨先生者也曾沐以母老不欲出歸主江陰禮延書院母卒改官浙江知縣署補淳安麗水縣事調烏程被議落職憂憤卒著有戰國樂府二卷希慥適齋詩二卷

姜渭字璜溪爲人夷厓斤博通多奇始應童子試學使者李聯琇以九家注杜命賦題而以宋郭知達集九家注爲韻惟渭能依次畢舉九家姓氏參以論斷辭旨淵雅聯琇大驚異之其後就金陵朝天宮書局之聘益博嗜羣書多致海內善本及渭歿後遂散落工指頭書畫

王太和字飲之世居興仁鎮祖汝青以品學重於時鄉人所謂文範先生也父國僕以醫名有隱德太和明經教授弟子百數十人居母喪哀毀骨立州里敬焉歿而弟子稱之曰簡慤同時以教授名者王兆榛字景周諸生范當世師也居城中四方來學者尤衆州及學政試其弟子輒據前列



南通縣圖志卷十九

列傳一

吾通近五十年有隱君子三其在治城者曰范蔭堂先生如松在海門者曰張潤之先生彭年在呂四場者曰李草堂先生芸暉此三君子所居士夫服其德子弟率其教衆庶重其言推其耳目所及辱人賤行之心不敢生自先後十餘年間各以老壽下世則鄉閭淳風善俗幾隨以盡矣始清主中夏越八十年至雍正之初鄉故老先生大率抗隱不仕以名節自高自雍正及嘉道之時凡百數十年則有馬尙書宏琦胡尙書長齡沈侍郎岐王侍郎廣蔭孫侍郎銘恩以科甲取聲於京朝其流風餘韻先後相應襲而邑之高文宿學介節懿行若李漁衫懿曾范完初崇簡朱石甫璋馮宴海雲鵬李采蘅芳梅後先等輩亦各十餘人與諸公自爲升沈意氣無

南通縣圖志

卷十九

列傳一

一

所頡頏見慕屢世不絕畫若錢心齋球父子弈若周星垣兆奎醫若馬武周世雍研精星算爲渾天儀若蔣秋田煜並皆縱心孤往以成名至或以鉅人奪其所業饋遺權門勢不得復拒輒衣麻衣哭送之令人慨想其風裁負若處於千載以上蓋當清運之隆平而吾鄉故老流傳之風尙大都亦嚮科舉而不樂仕進得一第便偃伏終老讀書授徒自娛其書又率相與傳借鈔寫以讀而所爲詩文半寫付之子孫戚友不盡刊播爲標榜之名出處之矜重亦於時爲盛矣及至咸豐之季湘淮諸將帥方力戰以致中興時則有徐中丞宗幹方用治績擢閩撫未久而卒官王方伯藻主鄉練爲威重一方而郵議謝事孫侍郎銘恩復以安徽學政殉節於江南則乾嘉諸老先生蓋無復有愍遺者矣其後同光四五十年間曾國藩導文學於前李鴻章倡時務於後天下稍稍馳騫應之而吾鄉一墮爲制藝揣



摩之術無能與於四方之觀士風稍隘而識分敦靜亦所獨殊嗣張謇范當世海門周家祿秦興朱銘盤如臯顧錫爵等各以古學爲文歲時聚試州中一時相效而起後復出入於江陰南菁書院各爲經史詞章之學及更甲午庚子之變科舉廢而新學興則士並駸駸勸歸於科學而張謇復以實業爲之倡民國既建耳目日新士族心志益廣毋慮與時爲推移矣然溯其舊所由來與其風氣所趨向不可沒也故次前志所未及述其可傳者併推論之示當世以古昔賢人君子

沈錫慶字鷺卿前志名臣傳沈岐謚文清子也道光二十五年進士改庶吉士授編修會洪楊亂棘奉旨隨同江北團練大臣晏端書歸辦團練時蘇常淪陷揚州仙女廟以上亦悉爲賊據錫慶駐軍如臯而父岐亦以左都御史奉旨主團練於是又兼顧通州屢獲閒諜賊不敢犯事平加侍讀

南通縣圖志

卷十九 列傳一

二

銜同治七年簡放山東兗州府知府到官直揭兗沂道某暴殘諸蹟朝旨譴之兗民感泣遂護道篆旋以道員總湖北牙釐請免米穀釐金嚴絕中飽收乃益增晉按察使銜光緒二年署安襄鄖荆道時關內外用兵轉餉者胥由老河口截奪時聞廼嚴緝刁匪壹切緩靖時沿江教匪甚熾密約期於襄樊起事飛檄所屬嚴密設防命猶子獨探匪窟誅除首要民以大安嗣權荆宜施道欲革洋關積弊會以足疾去官錫慶以名臣子治行文學顯著於時先後繕道篆率以清慎自矢卒後家乃無餘財沈鏗字笠湖進士兗州同知主紫琅書院最久學者仰之前志之成鏗與顧曾煥兄弟並主撰述子汝奎字惺齋進士河南知縣改常州府教授喜爲詩有蘭暉館自怡草

李芸暉字草堂靜海鄉人世居呂四場學者稱草堂先生子審之字磐碩



始同治癸酉芸暉舉拔貢生入都喟然於士大夫風氣曰吾不能堪也遂絕意進取及審之亦舉乙酉科拔貢庚寅成進士官戶部陝西司主事總理衙門章京更外交部主事充儲材館提調稍稍見知於王公貴人然卒不獲顯蓋耿介猶有父風焉芸暉創鶴城書院而已主之所成就子弟甚衆日爲詩歌自娛喜內典及養生家言性仁慈遇沿海風潮輒倡施豆麥以濟又率衆闢蒿枝港河二千四百餘丈芒屨草笠朝夕往來視工飢寒風雨不避港成而運河有歸壑嗣審之張謇等從事墾牧於呂海之交頗利賴之所著有草堂詩四卷養真草詠史五排南游草各一卷審之以庚子之亂謁假歸連奉親喪遂不出及光緒三十一年二年縣衆推審之與謇等更長教育啓盲關塞致其懃懇呂四諸校及農商諸會母慮皆審之所手定也宣統元年卒

南通縣圖志

卷十九

列傳一

三

張寶琛字少軒歲貢生明孝子光弼八世孫也性彊識博通經史尤邃於禮學使者白鎔激賞之曰是深得鄭學也晚年從學益衆著有經畚集十卷壽八十二同時成廷家字蕘階壽九十二寶琛高第弟子成榮祖字述古壽七十三皆世居興仁鎮爲老師宿儒矻矻不倦廷家尤嚴介峭厲而榮祖無子有一女及笄天里人憫其惇獨乃搜輯其詩文梓之單盞字契蘭亦興仁鎮人頗與前志徵訪之役以善碁名

顧金標字京詹一字韻芳歲貢生嘗權海州高郵二州訓導始與兄金楠並以文學教授鄉里弟子著籍者各數十百人爲時名宿顧皆薄於進取至子及孫取科第乃若刈穫焉標年八十一而卒子曾焯曾煒曾煜並有文行曾燦最著字裘英進士刑部主事卒京師

顧曾煥字綺嵐金標從子也副貢生自高祖以下世爲邑聞人前志皆有



傳曾煥爲人淵懿有守上承舊德長養諸弟文行並著於世咸同間嘗以高淳學正兼權六合教諭時六合新復於賊曾煥獨蒐集城陷死事者上之大府後遂爲六合表忠錄二卷及光緒通州志之成即曾煥與弟曾烜所共作也平生鬱不一施歿而曾烜銘其墓有曰余孤露十七年忘其爲無父之人者以有先生在也其語尤可悲曾烜字姓谷晚自號方宦進士宜君醴泉二縣知縣歷署耀州邵陽二縣事平反冤獄有卓異聲顧大吏特重其文往往敕賜官走馬就索亦輒立應之尤傾與秦中樊增祥齊名以足疾歸爲鄉里重望者又十年乃卒曾煥著有雙梧詩集四卷曾烜秦興縣志十卷方宦酬世售世文各四卷儷語二卷華原風土詞一卷駢葩二卷並刻行其他玉篇疏證四卷譜學八卷詩文錄尤多存其家曾沐字滌香少落拓不羈從父金楠命諸子授以文法遂先曾烜父子成進士官南通縣圖志

卷十九

列傳一

四

工部主事金楠即曾煥父鄉人諡爲敏愨先生者也會沐以母老不欲出歸主江陰禮延書院母卒改官浙江知縣署補淳安麗水縣事調烏程被議落職憂憤卒著有戰國樂府二卷希慥適齋詩二卷

姜渭字璜溪爲人夷厓斤博通多奇始應童子試學使者李聯琇以九家注杜命賦題而以宋郭知達集九家注爲韻惟渭能依次畢舉九家姓氏參以論斷辭旨淵雅聯琇大驚異之其後就金陵朝天宮書局之聘益博嗜羣書多致海內善本及渭歿後遂散落工指頭書畫

王太和字飲之世居興仁鎮祖汝青以品學重於時鄉人所謂文範先生也父國侯以醫名有隱德太和明經教授弟子百數十人居母喪哀毀骨立州里敬焉歿而弟子稱之曰簡慤同時以教授名者王兆榛字景周諸生范當世師也居城中四方來學者尤衆州及學政試其弟子輒據前列



知州孫雲錦造門爲拜每過之間誦聲未嘗不憑軾以示敬也王來恩字銘之恩貢生馬毓璽王瓊澤孫贊清孫寶書皆其弟子鄉先達王藻被議謝事平生所叅養者皆叛去會有地方事議假公歛益傾之來恩剛直毅然白其事人以爲難

周福保字少圃拔貢生祖煊父昇從父銘勳前志皆有傳從弟源灝字少墀舉人並有才行世其門業福保有州乘拾遺一卷所採頗雅馴源灝爲蕉石山房駢文辭韻清遠並早卒故傳文不多

張極字所南家貧好讀書有姑守貞不字極事之如母著韻書詩集甚多歿年八十二顧繼曾字少康舉人治三禮公羊學同里孫倣族人鴻闔並從執經問難者也孫汝霖字廉卿舉人即倣父也事母以孝聞尤喜獎引後進數數召集課之寒峻子弟以起者甚衆王兆芳字漱六舉人肄業南

南通縣圖志

卷十九

列傳一

五

菁講舍篤嗜定海黃元同所爲書元同有疑義輒與商榷以爲畏友家居教授著有公羊質文異禮疏證一卷經義徵學四卷古今異鑑三卷教育原典六卷霞山精舍文獻記一卷及其他雜文甚富年三十八卒張玉麟字子紱兆芳高第弟子嗣肄業蘇校至喀血勿輟以舉人試部授內閣中書改法部主事歸任金沙高初兩等校事卒年二十九自張極至玉麟皆金沙數十年間最爲時重者

周家祿字彥升晚自號奧篔老人海門優貢生世居通之川港沙歷江浦丹徒鎮洋荆溪奉賢五邑訓導爲人淵懿簡默往往疇人廣座中意有所不然輒倚坐不語然性善酒醉後清辯滔滔閒雜豪宕偏激之辭於世無忤也先後游於諸名帥間未嘗以榮利自爲然亦不訐責人以爲名高與張謇范當世朱銘盤顧錫爵自弱冠即結深契其後交游率海內英耆然



卒莫與此五人者並也五人間亦以文字相非及久之而益相服銘盤當世先後卒謚自中年後即博意農工商諸業獨家祿與錫爵壹皆以文字老焉及家祿之卒而錫爵爲銘其墓因頗論斷其文叙所著書十三種凡百有二卷曰經史詩箋字義疏證曰三禮字義疏證曰穀梁傳通解曰三國志校勘記曰晉書校勘記曰海門廳圖志曰朝鮮國王世系表曰朝鮮記載備編曰朝鮮樂府曰國朝藝文備志曰反切古義曰公法通義曰壽愷堂詩文集

保釐東字少浦廩貢生少孤貧力學能文然喜負責無纖鉅不知所以爲償計歲寒風雪夫婦相慰勞意豁如也嘗客游窮而歸師事范當世治詩古文辭遂爲高第弟子嗣受知於順天府尹孫寶琦奏以候選訓導充順天府中學總辦後竟以劾去及寶琦巡撫山東遂以圖書館優養之鼎革

南通縣圖志

卷十九

列傳一

六

後任農商部主事卒於官

邢啓雲字曼青諸生肄業南菁講舍從定海黃元同游日與同里顧鴻闈王兆芳孫倣相砥礪者也嘗歲試第一聞父病即徒步歸父責之曰兒安心以微名疏罔極耶年三十六卒王兆芳次其遺文附以高濟霖王彥和之作名曰三秀集

朱宮貴字介人諸生教授里中貧甚然性介而好施其族人浩軒嘗餽以金不受竭藏於告者無代澣之衣死之日所居東門市人皆歎息泣下古之所謂愛人之君子也跬步言笑未有苟寢興未卽盥必冠衣坐然和易雖後生誠不以爲苦熟於儒先之書春秋釋菜及歲旦雖雨雪必中夜至州學旣畢事乃徐徧拜於賢儒之位且乃罷亦竟用是感寒疾終光緒初舉孝廉方正不就



徐會曾字沂舫祖智父蘭枝從父兆桂皆以義行具前志會曾年二十四舉優貢生聲名藉甚顧壽不豐時論惜焉著有沂舫遺稿子希儀字用達諸生始受書聰勤兼人母馮異之曰若兄弟少孤然能讀父書者必若也家世饒裕而性安布蔬家人目爲夙世僧年三十六卒然自希儀之長振施郡邑者母慮數萬妻侯以節旌年七十餘賜卹災祲不恠仍希儀意達鵬程字懋甫年十四郡試以祖榕嘗與郡守唐仲冕爲文字交令不復試榕字棲南清介自持嘉慶初嘗以山林隱逸徵不就鵬程終訓導善經學著有經解拾遺周官集解教授甚衆

馬毓盦原名釗嘗慕梅勿庵之學故字曰勿庵以庶常家居與張謇范當世顧錫爵朱銘盤等每聚會爲詩歌連宵且不倦靜海崔朝慶年十三四舉秀才喜算數亦從毓盦游其後朝慶所業遂復絕於時毓盦困不能自

### 南通縣圖志

卷十九

列傳一

七

嚮當世嘗勸之出毓盦悵然良久曰吾昔下第留京師且十年游於諸公貴人意未嘗知倦及後送友人出都見墓樹怛然思歸令寧能以復出耶且吾得諸友以老死樂耳遂卒於家著書亦未遂

張攀桂字樵秋進士安徽當塗縣知縣年四十餘罷官倚館穀爲活嘗叙次西鄉諸節婦事文甚逮古後終於家

李曰廉字幼清家世貧甚以名字自律益刻意文學見重於長者朱銘盤張謇范當世等所稱通州三怪並敬友之江都束錦嘗懷以詩曰李侯佳句似陰鏗苦向空山守一經不用蹇脩怨遲暮東南人識少微星著秭花山館詩四卷存其家宣統元年舉孝廉方正不就弟儆祖字則先嘗與妻紡棉以自活性耿介親友間失敬禮後卽與絕所居老屋介於天主教堂主者陷以利弗售也



保其壽字似仙廩貢生爲人傲倨不肯禮下人惡紳宦之爲暴鄉閭每面折之不能忍絕不與交游慨然曰若豈生而性惡徒以誘於慾利然耳吾絕科第不爲庶足以保吾天乎故自中年後遂不復應試然性喜談嘲爲詩歌小品多異趣閒作山水恣肆淋漓顧一歲中亦僅三四作或請以金輒謝解拳技醫弈絲竹篆刻之屬尤喜天文算術爲有益於實用每歎謂泰西學理吾何由閉關謝之使中國而不亡則科舉當不永矣故嘗擇子弟才者授以九數通考天元借根之法其闢風氣蓋最先卒年六十四著書已刻者詞二卷詩四卷游戲算學一卷始其壽少失父母遂罷讀去學賈不成會洪楊亂熾乃獨奮身投軍爲步兵主者頗恠之引以爲書記非其意所好也久之遂棄歸則壹留心於文字顧平生未嘗爲制舉業而奇窮不能自聊或遽強之一試於有司竟列學官弟子卒以此終其身然旣已鬱不一施則亦往往著之於詩文發爲嬉笑怒罵以玩世故亦無能自同於恒俗也

南通縣圖志

卷十九

列傳一

八

董世勳字藹堂諸生年八十二卒葬於城南董氏先塋及後張譽爲農校規試驗場塋適當其處議遷徙譽曰此介士且詩人當爲碣識之遂植花木藩其四週令不復遷也初世勳幼失父家貧恃祖母及母以長祖母歿世勳恃筆札及課徒養母治程朱諸儒先書母卒而洪楊亂熾金陵蘇常相繼失縣一夕數驚世勳力不能購地葬兩世柩乃平治所居爲葬地葺草廬於側朝夕講授以詩酒自娛有投以詩者輒招飲相唱和館穀有所羨輒餽親友雜購塾書舊本暨楮墨之屬畀來學之貧者然廉介特甚年七十餘神明日衰所入益不足時四月暴熱猶衣絮袍額汗涔涔然而下主者進以衣不受請質券亦不許館童竊其券乃贖而進之顧猶懸衣於



壁間計時所得脩足以相償久而後易衣及後病不能授課弟子稍稍贍之有所受必出其所作文或所藏書以爲報曰必如此吾心乃安也著愛餘草堂詩集率哀感之作然無後述其事者爲遠戚尤金鋪

孫寶書字敬銘進士戶部主事民國二年九月以積瘁亡年五十七邑之人莫不歎息泣下尤重其興學之功始清季張謇建師範學校范當世建高等小學復規爲通海五屬中學時國勢方棘謇當世欲以一身導邦國爲天下先然謇旣兼賅工商多四方奔走而當世居親憂不幸致毀疾輒不能勝勞於是請大府疏留寶書任中學之籌畫嗣是迄十餘年蓋無一日不力爲學謀及武昌軍起時邑人應之公推寶書攝縣長然亦未嘗以政累也爲人豁達自強善推事始終而務審密故所施有成功先後主學務公所議長教育會會長中學高初兩等校長嗣設法政講習所旋改爲

南通縣圖志

卷十九

列傳一

九

自治研究所並副張謇治其事日必遍至不卹寒暑民國元年二月謝縣職及後選舉議員或遽引寶書出黨入黨以爲重顧獨蕭然無所與也嘗以長兩校時所應得脩捐設狼山路初等小校一衆尤頌之年三十七始授徒弟子著藉者二三百人嗣長學事無馴與驚皆傾服

彭思誠字友三芸暉高第弟子也嘗爲浙江石堰場大使石堰故瀕海地塗老而鹵不升民輒私墾而大吏執鹽法持之勘按者踵至惟思誠意獨右民爭之力後以羸疾卒官

達葆青字春亭諸生家貧甚然不能忍人飢寒有所見苟有明日備必以與之子孫嘗進一輕暖之衣數日以贈故舊亦莫知其爲誰氏也光緒初年州當舉孝廉方正衆欲以應詔葆青不可年八十五終子森林明經有孝行



李京靡字璧人諸生早失怙事母以孝聞歲歉貸米爲炊必眎明日有餘糧然後敢食不則潛之它所移時返曰兒已飯於某戚家矣比壯授徒始得甘旨母性下急意不憚鞭撻立至輒歡嬉順受每疾作臥床不起扶持抑搔未嘗偶離母卒享大年及歿哀毀骨立後遇忌日泣痛如初喪里人官師上其事於禮部得旌如例著有綠卿移詩藁

張玉堂字少軒海門廳諸生世居石港場之張家沙方乾嘉時海門縣沒江之地復起爲洲與崇明相望徙而居者崇產什八九玉堂之先徙焉以農起其家負耒從者廬成市張家沙之南右偏田澤墟落相比人習於農作其讀書者裁句讀數經便就塾爲師玉堂慨然獨蓄典籍延名宿教授弟子務嫻習通識大意兄弟子姪相處或出見客咸秩秩有禮張譽謂石港西亭近五十年數家法居鄉有儀軌者推張氏玉堂遭母喪時方授讀

南通縣圖志

卷十九

列傳一

十

他所不獲訣哀毀過甚又連折兩弟遽遘心疾卒蔣希剛者玉堂外孫亦海門諸生世居騎岸鄉其母孀也希剛長而爲學刻厲治數國文字及數學於蘇校巡撫耳其名將資送比國游學中疾歸自傷羸敗無所見於世廼日與鄉人謀興學一方力疾爲勸學會捐膏沃田四十八畝衆感焉遂集數千金規始建築初等先僦屋從事教授顧影汲汲不自惜或問其疾笑而不應年二十四竟卒母張逾年亦逝知與不知皆爲流涕

陳銘恩字燕山年十五喜射開兩石弓家貧事母孝母歿始投軍咸豐中從狼山鎮總兵泊承陞戰鎮江官石港平潮等百戶嗣從彭玉麟巡閱長江以廉節奏授狼山內洋水師千總卒官

袁聯魁字斗垣總兵銜嚴勇巴圖魯官吳淞參鎮入祀昭宗祠爲人多義行始清世吾州故武世家畧具前志表近五六十年則以湯袁田嚴諸氏



爲稍盛而宦達則數聯魁際文重之時而居宜耕讀不便弓馬之區故無能以武功致聲於天下自兵法之變而武科停罷則凡以武爲世業者或遂入陸軍而頗近文學斯尤變易之大較也

白毓崑字雅餘諸生嘗懷挾奇策慨然欲有所爲於四方及宣統季年之冬遽隻身說灤州軍欲以應武昌而要約南軍蹕海襲據山海關用以速共和之成遂遇害其族姪作霖更多艱阻得其屍以歸邑人葬之於狼山欲以媲古烈士曹頂然識與不識莫不惜其才以爲死此未足爲毓崑壯也毓崑幼穎妙能強識其大父鍾愛之日爲雜說故事每以意論斷驚其座人既長入南菁書院治古學嗣入南洋公學師範院就聘於澄衷學堂數年北游天津任北洋女子師範及法政客籍各校教習所至生徒說服人人自以爲得良師與桃源人張蔚西創地學會刊行雜誌學者寶之顧

南通縣圖志

卷十九

列傳一

十一

毓崑之意既習於北方尤愛其風氣剛勁謂其人足與有爲遂卒以此殞命

徐澣字滌庵自高祖士啓曾祖天寵祖琳父縉皆以孝行旌前志並有傳至澣復舉孝所謂五代孝子之門自有通以來未有能比之者澣尤四方所稱徐善人者也爲人惻怛而忠信長有鉅萬死而孤子不能飽里人懷澣德者歿而猶稱道之

孫錫恩字芸軒資性端凝勤於所事嘗署金壇上海兩縣教諭董治州保嬰卹發諸局朝往午歸飯罷復往夕乃休心誠於愛人而精力又能爲繼年八十四寒暑風雨未嘗乘輿同光數十年間知州事者皆禮請而屬以事然不甚媚悅人亦無所怨惡澹然而已

百歲老人白德元諸生中書王瓊澤以爲石奮樊宏流也平生不入官署



倚教讀爲生光緒某年以壽賜副榜貢生

黃文田字笠溪舉人前志孝友傳有衡子也少有時名屢試不第遂不出  
同時張師江字又樓徐聯蓉字芙雙並舉人志行畧相等然州有大事牧  
吏及賢豪長者輒藉重師江聯蓉而師江最後猶與於興學之舉聯蓉兄  
聯芬字莖雙以優貢知縣官四州有政聲歿而貧甚胡鍾元字楨卿吳鈴  
字花韻並以優貢官山東浙江知縣惟鈴老而歸能自逸以厚其族云  
瞿淵字少巖舉人世居餘西父長勝明經教授淵耆爲贛榆訓導贛榆鄰  
東海羽山民曠悍武生韋某爲強暴號召數百里會與其叔父訟令庇之  
而叔固良懦淵逕祥褫韋衣巾平叔冤居家時佐場大使建精進書院主  
課諸生從長勝游者亦往往折節師事之

姜炳垣字斗槎靜海鄉人居餘中明經有行教授子弟先後甚衆時方數

南通縣圖志

卷十九

列傳一

十一

十里諸生容止彬雅者毋慮皆炳垣徒也所居頭橋地濱鹽河而窪水盛  
不泄常若大澤炳垣於咸豐六年率圩民於堤後築月堤前患以除同治  
十年堤西塘路塌三十餘丈出貲復之衆名堤曰斗堤塘曰斗塘用炳垣  
字也

陳廣綬字霈亭好金石文字自商周彝器漢魏唐宋以來碑帖書畫無不  
力致之所耗二十餘萬金晚年遇所寶愛猶鬻田宅以市嘗以鉅貲購顏  
魯公所書筆勢論眞蹟臨摹千數百通何子貞激賞之俞樾見其所爲雲  
烟過眼錄亦稱其搜輯之富性任俠族某以非罪繫獄將論死傾財營救  
訟遂得甦里中待而舉火者甚衆始鄉先達若胡尙書長齡徐中丞宗幹  
孫侍郎銘恩王方伯藻等皆博通多奇嗜古若飢渴並致異書珍本及金  
石書畫難得之物萃諸其家嗣餘高門舊德食貧居賤之子孫獨抱其高



曾所藏仍世貽留以爲榮者亦毋慮數十百人是以風俗淳而嗜高尚也  
自胡徐之裔並凌夷而游吾通者輒乘一二不肖者之急以術愚其人多  
方鉤索罄所有以去其後益縱爲市徒鬻賣者數十年蓋至於張氏徵求  
鄉先輩金石書畫及所收藏以充博物院圖書館之時而吾鄉夙有之古  
物業旣已索然盡矣廣綬家中落復不戒於火然猶稍有以應張氏也  
孫長儀字奉朝業醫騎岸鄉遇貧無所取歲時疫癘出藥活人衆紀其德  
少嘗習藥肆出見道遺金百立竅之還遺者肆主頗呵其愚遂絕肆主卒  
年七十八世以爲隱君子焉其先仲圭有功於邑事見雜誌中長儀其六  
世孫也季子煥文字蘭亭亦有義行嘗典質以施不望報受恩者亦久而  
不忍置也

楊尙綱字秋巖諸生狷潔自守豪右某厚幣聘之不往他日來乞書書乃

南通縣圖志

卷十九

列傳一

十二

責其無行某大恚思中傷之尙綱益篤謹州守重之請主石港文正書院  
臨卒焚所作文曰吾不欲誤後人也繼妻凌以節著子有成長大徵訪遺  
稿得經說八十餘篇有成字少巖嘗游江甯授讀某將軍署將軍故驕慢  
獨敬禮之時頗用火葬有成開說百端感以至誠併請於官禁絕之爲人  
廉謹好施與晚乃教授於家

周輝字萼樓少隨父居市廛夜輒蒙被讀不敢擾親眠父以生計艱析產  
諸兒令自活輝推所有爲諸兄償責藉館穀養親及長次兄歿卹孀姪甚  
有恩義輝父母年並七十同時染疫癘於是祖母節行章氏年九十矣輝  
暨婦力疾奉侍奮不自顧至顛躓撲地父卒恐增祖母慟强承色笑奉章  
至百齡子匯泉諸生亦以孝旌

周啓緣字雲槎瓊琳字藍圃兄弟並不娶與長季同財共居力貧以事親



並至耄耄而長無子即共以貲爲季納婦生二子以其一嗣焉其後連遭死喪季適以商敗啓緣年六十餘憂瘁驟疾瓊琳朝夕扶掖之如啓緣之敬其長也初季所生子曰宏曦能爲學校師述其行誼年曰吾兩伯父五十歲以前大率致力於事親而五十歲以後則壹盡瘁於撫姪而身命罄焉可謂有君子獨行之風

沈君芬字芝軒世居餘中場道咸時歲饑饉輒倡振濟嘗與五場士姜炳垣等於其鄉建東漸書院修復孔子廟廷海濱文化自此興三子亦並爲諸生

陳承忠字奎仙業醫故慈谿宦裔僑居邑之金餘鎮事病母至孝自矢不娶以長養諸兄遺孤甚有恩義宣統末里人將爲請旌會鼎革不果

孝子盛馨名漢升字旭初幼失母事父有至性父病夫婦衣不解帶五年

南通縣圖志

卷十九

列傳一

十四

餘盡鬻產以奉醫藥及卒哭而並失明久之始微復鄉黨無老幼均稱之曰盛孝瞎子葬父於新港鎮東王頭圩邊塊之溝旁掘穴得少藏銀用之營業家漸裕尤好施與知州欲爲請獎輒辭不受

陸蘭枝字芷香孤貧績學爲諸生以教授事母性恬退不樂治舉業頗涉詩古文辭以自娛初清法州縣試士重籍貫雖有高才異士起於清白庶人之家苟其族無籍於學官猶爲衆所切持提學使及州縣吏亦往往以法順衆意故必竭試者家財賄學官以下或輸鉅資於公然後得試或不得已引同姓諸生爲族人具名投試結中則亦脫此扞而所引之族苟無饜固亦足以破其家蓋求爲士族若是之難也東沙陸某饒於財欲試而無籍妄引蘭枝爲族人或走請蘭枝阻之不可曰是固吾族耳族某復說蘭枝終不動而某遂獲售懷百金謁謝爲壽蘭枝蹙然曰吾愛金耶速持



去母相汚世以爲矯世厲俗廉正士也

費孝子洪周家貧有母賃直以爲養歲時得酒饌輒以遺親主人察知別饋之耕作常倍母病篤洪周夜歸晨返寒夜抱持取煖撫癢抑疴踰二紀無倦不幸中疾逝遺令藁葬以棺資賃田畀母於是周家祿劉桂馨等上事狀諸府旌其孝且爲祠祀之以餘字爲白華書塾朱銘盤爲之碑記同時劉橋東戴灣黃孝子者佚其名父母早逝依伯母以長伯母得癱瘓疾舉動需人孝子乞食以濟三十年如一日鄉人或勸之爲傭孝子曰我一人得衣食足矣其如伯母何衆感其孝醵貲畀之不足仍行乞伯母至八十一乃終擗踊哭泣踰年亦死是皆所謂不學而性之君子也故衆尤道之

夏濬河亦劉橋人家貧甚然奉親必具甘旨母病劇割股雜進竟獲痊咸

南通縣圖志

卷十九

列傳一

十五

同間旌題名明倫堂與徐洪禮次前志遺之濬河卒亦未附祀忠義孝弟祠所葬故賃田主者迫遷之義塚子寶鋪不能爭歲時入邑城輒望祠宇而泣慮無以給祠費蓋愚孝也最近始奉主焉

蔡美中諸生少貧兄弟五人更以學行相黽勗既而貧益甚又耻於告貸則相率闔門以待盡鄰人某審知之往餽至再三不納乃梯垣以進請鈔寫文字以爲值蓋不如是者雖彊仍不以爲可也遠近聞其賢更相延致以教其子弟從者日衆積數十年家稍裕美中天性誠慤薄嗜欲終身不娶其教人不屑於時俗之所尙而與人無所忤及門如李曰廉王恩溥張翰馮鎔輩皆能學焉軌於正而美中尤摯矣卒而學者稱之曰懿長先生馮鎔字冶青與其從兄馮運昌字開甫者皆有獨行之風士類重之

戴祥元字瑞卿舉人警敏好讀書於易漢魏二十一家及爻辰卜筮無不



嗜尤喜吳縣惠定字父子之學性至孝嘗試江南夜恍惚心痛即促歸距家尙百餘里乃徒步奔赴則母竟於是日逝一踊幾絕焉取母遺券數十召通者焚之曰吾母陰周人急非責償也王尤以庶常應館試歿於天津祥元與范當世經紀其喪歸其柩甚多隱德

陳光第字緯堂世耕琅山之麓父業醫至光第始著籍靜海爲諸生同治三年舉補行辛酉科拔貢父憂服闋朝考用知縣不樂仕進清靜寡交游時與同年生李芸暉倡酬無虛月彭尙書玉麟游琅山耳其名造廬見訪蕭然無復貴賤意也光第有孝行多隱德子能以醫讀世其家

徐湛霖字雨亭歲貢生以學行爲州聞人父歿十三年思慕不置及母卒輒哀號曰吾思父而不得猶有母在也而天又不許我以事母是真天之僂民耳聞者悲之

南通縣圖志

卷十九

列傳一

十六

沙煒字厚庵工蘭竹粵寇擾江南佐郡人王藻治鄉團有勤勩咸豐六年歲大饑煒助賑給故老傳之子怡春亦以畫名

單有寅字蔚文居東鄉咸豐間亦以拯濟其鄉名治團防獎里黨有曲直得其一言輒解久而不忘

凌瑞生字達夫居石港場場市之西所謂文鳳橋者亘河二十餘丈即瑞生先世所建也爲人勲懇奮毅有爲嘗以早歲罷讀爲怏怏及光緒季年士競勸於立學校以育人材凌氏就市南故寺捐建爲小學瑞生所出貲尤多用力亦最摯撫友人之孤衆重其義死而謚之曰誠慤

朱遇字鴻賓諸生有至性父病飲氣窒一時束手遇吸出之館於外距家七八里率五日一歸省務博親歡不敢私妻子以父意與弟遵析居距二里許一日不見念之若遠別解醫術不樂以技鳴有所全活不受饋或具



酒食亦必以齋辭布衣蔬食晏如也遵字道平亦有孝行

丁汝爲字虹橋工書畫詩世居劉橋劉橋之人以爲三絕遺詩顧不多而韻致清遠

薛保森字月樵少孤事母以孝聞有田一頃隸如臯往徵租道見荒樞穿漏暴露因捨其田爲義塋其他義行多類此鄉里德之目爲善人

高清字笠卿國變後更名壽陽家貧事母甚勤少習商然慕學能文敬禮名士張謇等相知甚深謇創大生阜生兩廠清任勞怨以著績後嘗與孫倣顧鴻閔等立初等兩校於所居金沙會花布統捐事起鄉衆誤惑毀南校併及清宅總督周馥輒遣兵平亂清調解之著釋疑醒誤喻鄉人不以橫逆槩其心也益共立高等校一獨立初等校一曰亂之所生由於失教詎可緩乎歲嘗輸千數百金謀公衆之利民國肇建縣人推爲執法員縣南通縣圖志

卷十九

列傳一

十七

會成舉參事員剛果坦直見義必爲不計毀譽及卒弔者千餘人葬而更共易名曰果敬

高秀杰字竹坪金沙苦饑數與衆捐貲貸通石兩倉穀以糶光緒二十九年官軍臨剿鹽梟杰復與衆調和寢之及後鄉衆毀初等兩校而軍猝至事具高清傳杰皆與有功

費啓豐字鑑清世居劉橋市爲望族以貲雄閭里世有善行及啓豐父修來兄仲施與盡矣啓豐善事本生及所後父母往來江淮爲米業歲歉亦輒廉售寓平糶之意最爲長者子師洪學行有聲啓豐歿四方老宿致哀誄甚衆時以爲榮

曹慶餘西農氓也幼爲繼母莊所虐能不失其孝敬父或以事怒莊輒爲調解其後莊臥病不起慶爲浣滌侍奉衣不解帶百餘日莊感之嘗謂慶



曰爾年六十餘事我如此我死必有以佑汝父病五六年資用罄極慶不能飽麥粥而醫藥無間尤寡人所難光緒間得旌表如例

朱霞字蔚華諸生子銘鏞字建助父子行誼肫篤操履矚然家貧教授里巷善誘後進仍世著稱歿而鄉人爲之私諡歎仰不衰

沈柏齡字茂如增貢生善詩爲人和厚有節槩先後授課知州及總鎮署中以師道自尊或有所請托輒謝絕不顧嘗爲人治葬地或揮之傾跌幾折足主者惶歉甚柏齡處之夷然不爲忤也沒而鄉人諡之爲孝愨

以上前

清同光之間通人士或游蹤逾城以東者無不知有江都東織雲織雲名錦以父商於通之二甲鎮遂家焉性好客嗜酒工詩江南陷賊時其名宿多避地江北錦爲存問欵洽無間家屢空宴如也知交張攀桂嘗欲赴禮

### 南通縣圖志

卷十九

列傳一

十八

部試繼於賞錦聞典裘爲贖他風義多類是中歲以後與張譽顧錫爵周家祿范當世輩爲忘年交時至其所居補經別館館有井二梧桐覆之境絕幽錦事暇則讀誦其間嘗集所交游暨弟綸經合十二人繪圖名齋其江都瀕江故有草堂嘗戲贈聯有廿三茅屋雙梧井十二圖齋一草堂之句平時惇篤內行游行閭市布衣帛冠意氣慷慨清穆宗諱獨蓄髮百日表敬年五十七卒著有留雲窩詩草存錫爵處待梓綸經與錦絕友愛并以文行著綸字畏皇詩多苦吟而漫不收拾多佚經能畫梅皆江都諸生沈燮均故海門廳歲貢民國以後爲縣競化市人幼不好弄敦樸嚮學旣長猶屢躋院試久之始隸學官爲生員又數年始食廩餼於庠教授於鄉懃懇不苟鄉里以其忠坦事有訟爭輒訴之折衷燮均一言定曲直通海民以紡織爲生計紡織業縮穀於商商困於釐捐重妨營業清光緒初布



商連歲折閱折閱則市疲而農工交病乃羣推變均爲減捐之請釐捐令方重比較減捐爲官吏所惡聞變均再請不獲則引張謇爲助更歷數年減折始定官吏亦頗有要素商賄亦不貲而變均無纖毫染明白見於衆人之耳目也謇由是益相重紡廠甫興謇由書生入實業未爲衆信其時變均已業布布商感變均減捐之勞惠信望過謇謇於營廠至頓極室之時賴變均爲之轉輸慰藉未嘗對謇作一語無聊亦未藉廠有一事自利既大著效以不慊於同列又不欲傷新事之氣乃堅決引退自營布業名大噪奉吉黑三省謇爲人言通紡業之興歸功於變均之助謂與共憂患屢瀕危阻而氣不餒志不折謀不貳者變均一人而已年七十一卒家范當世原名鑄如松子家故屢空少聰穎警悟從學於王先生兆榛王授制舉業最盛有聲及門甚衆獨愛重當世當世上學必先及曙爲母賣所

南通縣圖志

卷十九

列傳一

十九

紡紗於市歸啜粥而後至學幼即能對偶工敏驚其長老年十五學時尙制藝能汗漫摩其聲調州試錄第二羣譚范氏有子矣當是時張謇年十六試後於鑄甚遠院試鑄黜而謇進至是始相識嗣每試必過從研質所學學則舉業耳謇旣游江寧先後從臨川李先生全椒薛先生武昌張先生游得聞古學之津要歸則輸諸鑄而海門周家祿如臯顧錫爵泰興朱銘盤各本所得相與觀摩淘淬爲許書馬班范陳四史之學而試於有司諸人者輒無得顧氣志不少衰謇又先後與銘盤家祿同客軍中與當世同師張先生會當世謇銘盤有聯句詩爲桐城吳摯甫先生所見踪跡於張先生時當世佐張先生修湖北通志吳時爲冀州牧張先生因介當世客冀旣至冀甚相好旋入北洋李文忠幕課其子文忠鎮畿輔握軍國大柄權勢赫如當世亦聲光灼鄉里謇故鄙文忠以利祿傲睨輕士至是與



當世異趣數年不通問清光緒甲午中東戰役淮軍潰敗掃地譏謗及當世不盡實也戊戌庚子政變迭起當世已歸乃不復出與謇謀鄉里教育如初好當世博愛易入倜儻輕財無人已之別亦喜與達官貴人游與謇嘗相非張先生一日語曰若二人毋乃太邱之廣與仲舉之峻乎胥過也謇成進士之年當世在天津即納貲爲光祿寺署正文忠與瑞安黃先生積午其論當世茲事一莊一諧當世聞之夷然不措意也家居病甚與謇尤絕相愛及就醫滬上疾革謇聞而走視握手悲愴良久卒勗謇曰勉之世不妨無我不可無子謇時有觸誦其言而悲焉詩文皆有專集弟鐘鏗並能文當時稱通州三范子罕賢謹

以上續纂